



Nezavisni odbor
Sarajevo, 30.08.2018. godine

SAOPŠTENJE ZA JAVNOST

(Sarajevo 30. august 2018. godine) – Nezavisni odbor je upoznat sa prijedlogom izmjena i dopuna Zakona o policijskim službenicima Kantona Sarajevo koji se treba naći na dnevnom redu Skupštine Kantona Sarajevo dana 06.09.2018. godine, te povodom istoga upoznajemo javnost o sljedećem:

- Smatramo neophodnim da se uz izmjene Zakona o policijskim službenicima Kantona Sarajevo istovremeno na dnevnom redu treba naći i prijedlog izmjena i dopuna Zakona o unutrašnjim poslovima Kantona Sarajevo kako bi se na sveobuhvatan način otklonili uočeni nedostaci i popunile uočene praznine i time na efikasan način doprinjelo unapređenju i efikasnijem uređenju cjelokupnog sigurnosnog sistema;
- Nezavisni odbor Skupštine Kantona Sarajevo je početkom 2017. godine dao svoje prijedloge izmjena oba naprijed navedena zakona sa detaljnim obrazloženjima svake predložene izmjene, međutim odgovor o prihvatanju/neprihvatanju istih nikada nismo dobili;
- Predloženim izmjenama Zakona o policijskim službenicima Kantona Sarajevo, iako se poziva na usaglašavanje sa Federalnim propisima, nije obuhvaćena odredba o najpovoljnijih 5 godina staža kao osnovici za obračun penzije policijskih službenika, a koja je sadržana u Federalnom propisu na čije se usaglašavanje poziva;
- Predložena izmjena Zakona o policijskim službenicima Kantona Sarajevo pogoduje ostanku na funkcijama visoko rangiranih policijskih službenika uključujući i one koji bi po postojećem Zakonu o policijskim službenicima ostvarili pravo na penzionisanje, te bi ovim izmjenama istima bilo omogućen ostanak u Upravi policije za dodatni period od 4 godine iako su već trebali biti penzionisani;
- Nezavisni odbor je i ranije, svojim saopštenjima, upoznao javnost o: neophodnosti propisivanja struke za rad u Upravi policije, izmjeni odredaba o disciplinskom postupku a ne samo pitanje zastare u disciplinskom postupku čija je izmjena također potrebna (jer je evidentno da se uslijed nedorečenosti ili nepotpunog normiranja postojećih odredbi omogućava da se kažnjavaju nepodobni a oslobađaju podobni od disciplinske odgovornosti), usklađivanju Zakonu o policijskim službenicima sa odredbama Okvirnog zakona o visokom obrazovanju u Bosni i Hercegovini u smislu propisivanja adekvatnog akademskog zvanja što sada nije slučaj, a kako je to već prije par godina sugerisalo i Pravobranilaštvo Kantona Sarajevo, te niz drugih prijeko potrebnih izmjena ukoliko se zaista želi poboljšati rad Uprave policije MUP-a Kantona Sarajevo i unaprijediti mehanizmi nadzora i kontrole.

(Kraj)

